

Jose Amedo lekuko izatetik inputatu egoerara pasatuko da 'Brouard auzian'

Rafael Verak dio prentsaren bidez izan zuela Santi Brouarden hilketaren berri

Santi Brouarden hilketatikertzen duen epaileak Rafael Vera eta Jose Amedo deitu zituen atzo, aurretik deklaratu zuten beste pertsona batzuen lekukotasunak kontrastatzeko. Amedok Ercilla hotelean Brouarden hilketan planifikatzeko bileran parte hartu izana bitan ukatu ondoren, hurrengo deirako abokatua bilatzeko esan zion epaileak, inputatu gisa deklaratuko baitu.

Iñaki Uriarte / Bilbo



Jose Amedo Fouce polizia ohia Bilboko Entzutegira iristean.

XOUSE SIMAL

an epaileak iragarri zion ikerketa hori dela eta hurrengoan zitatzen duenean inputatu gisa deituko duela. Hori dela eta abokatu bat izenda dezan iradoki zion Bilboko informazio brigadako polizia ohia.

Amedo inputatu gisa hurrengoan • Herri Batasunako parlamentarioa hil zutenean Vera Segurtasunerako idazkariordea zen. Veraren esanetan, ez zuen inolako harremanik izan hilketaren ikerketarekin. Segundo Mareyren bahiketagatik epaitua izaten ari den Rafael Verak azaldukoaren arabera, haren lan ia osoa Frantziako Gobernuarekiko harremanak ziren. ETaren aur-

kako borrokan frantziarren laguntza handitzeko asmoz ei ziharduen.

Epailearen aurrean Verak esan zuen Brouarden hilketaren berri prentsatik izan zuela, eta ez zuela informazio zehatzik izan gertakari horietaz. Segurtasunerako Estatu idazkaria zenean, Guardia Zibileko Zuzendariak hala eskatuta, Rafael Masa Guardia Zibileko koronela Boliviara bidali zuela adierazi zion epaileari. Bertsio hori bere garaian Luis Roldanek emandakoarekin bat ez datorrela oroitarazi zioten, Guardia zibileko zuzendari ohiak Veraren proposamen bat izan zela esan baitzuen orduan. «Erantzun du ezaguna dela Roldan jaunak

harekiko duen gorrotoa» azaldu zuen Monterok.

Santi Brouarden hilketatikertzeko ardura, azken muturrean, Julian Sañicristobalena zela adierazi zuen Verak.

Verak ukatu egin zuen Jose Amedori Dominikar Errepublikara bidaltzeko eskaintzarik egin ziotela. GALEn gertakizunen batzuekin zerikusia izan zezaketen poliziei atzerriko destinatorik eman zieten galdetuta, ez zekiela esan zuen.

Bestalde, arestian kartzelaratzeko agindua jaso zuen Luis Morcillo Pinillo ospitale batean dago eta epaitegia aztertzen ari da Bilboko Entzutegiak emaniko espetxeratze agindua nola bete. X

Nafarroaz eta euskaltasunaz eztabaida sakona proposatu du Batzarrek

■ Hala nahi duenari bi identitate onartzeko aukera aztertu du

Erredakzioa / Iruñea

BATZARREK Nafarroaren eta euskaltasunaren gaineko hainbat proposamen plazaratu ditu, eztabaida eta gogoetarako. Funtsean, Nafarroako herritarren identitate arazoak aztertu ditu —euskal, nafar eta espainiar sentimenduak— eta proposatu du gehiengoari zor zaion errespetua eta gutxiengoari zor zaiona bateragarri egitea. Batzarreraren iduriko, horretarako baliagarria izan liteke «eusko nafar» identitatea bultzatzea. Hala, euskal eta nafar herritar sentitzen direnei bi identitate edo hiritartasunak onartzea, euskal ikurren erabilera baimentzea eta Nafarroaren eta EAE-ren arteko harremanak areagotzea proposatu du.

Batzarreraren analisisia eta proposamenak Hika aldizkariak jaso ditu azken alean. Horrekin batera, Juan Cruz Alli CDNko lehendakariari eta Patxi Zabaleta HBko parlamentarioari egindako elkarriketak eta Tomas Urzainkiren idatzi bat argitaratu ditu Hika-k. X

Garaikoetxeak dio alderdi osoak bere egingo duela batzarrak zerrendei buruz erabakitakoa

Erredakzioa / Gasteiz

EUSKO ALKARTASUNAREN Batzar Nazionala bildu zen atzo gauean Gasteizen, beste gai batzuen artean hauteskunde zerrendak finkatzeko. Goizean, arazorik ez zela izango aurreratu zuen Carlos Garaikoetxeak. Alderdi osoak bere egingo du batzarreraren erabakia, Garaikoetxeak ziurtatu zuenez.

Jakina denez, EAren Bizkaiko zuzendaritzak Gasteizko Parlamenturako zerrendatik kanpo utzi zuen Jasone Irrargarri, eta horrek egonezina sortu zuen alderdiko sektore batean. Zuzendaritza nazionalak berretsi zuen Bizkaikoaren akordioa eta atzo Batzar Nazionalak berretsi behar zuen hauteskunde zerrendei buruzko proposamena. X

Boto elektronikoa erabiltzeko erreforma onartu dute

Alderdi bakoitzak 169 milioi pezeta izango ditu datorren urriko EAEko hauteskunde kanpainarako

F.I. / Gasteiz

zetozen. Hala izanez gero, beste hauteskundeetan boto elektronikoa erabiliko litzateke. Azkenean Jaurilaritzako alderdiak eta IU ez dira bat etorri eta asmoa ezerezean geratu da oraingoz. Javier Madrazo IUkoak esan zuen oraindik ez dagoela baldintzarik sistema hori indarrean jartzeko.

Sistema horren erabat aurka agertu dira PP eta UA. Arabako alderdi foralistak, gainera, osoko zuzenketa bat aurkeztu zion Legeari, boto elektronikoa dela

medio. Alderdiek ez zuten onartu, eta Juan Maria Atutxa Herri-zaingo sailburuak sutsuki defenditu duen boto elektronikoa egunen baten erabiltzeko ateak ireki zituzten alderdiek.

Urriko hauteskundeetan indarrean izango dira, haatik, atzo onartu ziren beste aldaketa batzuk. Besteak beste, Legebiltzarrak aurreikusi du alderdi bakoitzak ezingo duela 169 milioi pezeta baino gehiago gastatu kanpainen, alderdiek izango

dituzten laguntzak zehaztu dituzte eta propaganda egiteko erari zenbait muga ezarri dizkionte.

Erreformarekin diru gehiago izango dute alderdiek. Hautagaitza bakoitzak 35 pezeta izango du hautesle bakoitzeko eta beste 17 milioi pezeta aurkeztu den barruti bakoitzeko. Etxebizitzetako postontzietan mailing egiteko beste 44 milioi izango ditu alderdi bakoitzak, eta guztira 169 milioi pezeta. X

Nik ere **Germinal!**
egin gura nuen aldarri
Koldo Izagirren nobela

SSUSA narratiba